



Inatsisartunut ilaasortaq
Jane Petersen, Inuit Ataqtigiit

§ 37 naapertorlugu apeqqummut akissut nr. 174 – kulturimut aningaasaliissutitut aqqissuussinerit pillugit

13-09-2012
Sags nr. 2012-071792
Dok. nr. 994131

Asasara Jane Petersen

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Naalakkersuisunut apeqqutinnut qujanaq, imalu akissuteqarfignallugit:

Apeqqut 1. Namminersorlutik Oqartussat kulturimut suliniutinut tapiissutaasa (kulturimut) agguaneqartarneranut suleriutsumik allaanerumik Naalakkersuisut suliniuteqarpat, allanngortitsinissarluni siunertaappat qaqugu tamanna naatsorsuutigineqassava?

Akissut: Namminersorlutik Oqartussat kulturikkut suliniutinut tapiissutaasa agguataarneqartarneranni tunngavissat allanngortinneqarnissaat maanna pilersaarutaanngilaq.

Apeqqut 2. Ukioq manna kulturikkut suliniutinut Namminersorlutik oqartussat tapiiffignissimasat qassiuppat?

Akissut: Kulturimut aningaasaliissutitut 2012-imi juulimi suliniutinut 22-nut akuersissuteqartoqarpoq.

Inuit 16-it sulianut aningaasaliiffigneqarput, filmiliornermi suliniutit arfineq pingasut tapiiffigneqarput kiisalu atuakkat saqqummersinneqartut 13-it tapiiffigneqarsimallutik.

Tipsernermit Lotto-nermillu agguassassanit C-nit suliniutit 27-t tapiiffigneqarput.

Taamaalilluni ulloq manna tikillugu kulturikkut suliniutinut katillugit 86-inut tapiissuteqartoqarpoq.

Apeqqut 2a. Qinnuteqarsimasunillu itigartitaasoqarsimassappat itigartitaasut qassiuppat?

Akissut: Makku itigartinneqarput:

Kulturikkut aningaasaliissutitut aqqaneq marluk itigartinneqarput, sulianut aningaasaliissutitut marluk itigartinneqarput, filmiliornermut qinnuteqaatit arfinillit itigartinneqarput aammalu atuakkianut tallimat itigartinneqarlutik.

Tipsernermit Lotto-nermillu aningaasaatitut qinnuteqartut 18-it itigartinneqarput. Taamaalilluni kulturimut aningaasaliissutitut tapiissutitut aqqissuussinernit

aammalu Tipsernermit Lotto-nermillu agguassassanit C-nit katillugit 43-t itigartinneqarput.

Apeqquut 2b. Itigartitsinermit suut tunngavimusimappat?

Akissut: Qinnuteqaatinik itigartitsinermit tunngavimugineqartut ataatsimut isigalugu tassaapput paasissutissat nassiunneqartut amigaateqarnerat, aammalu tapiissutinik aqqissuussinermit qinnuteqarnissamut siunertarineqartut naammassineqannginnerat, imaluunniit tapiissutinut aqqissuussinerit eqqarsaatigalugit qinnuteqartut piumasaqaatinik naammassinninnginnerat.

Apeqquut 2c. Akuerisaasimasut suut tunngavimugilugit tapiiffimugineqarsimappat?

Akissut: Taperserneqarnissamut tapiiffimugineqarnissamulluunniit aallaavimugineqartartoq siulleq tassaavoq, qinnuteqarnissamut piumasaqaatit naammassineqarnissaat aammalu paasissutissat piumasarineqartut tamarmik piffissaq eqqorlugu ilanngullugit nassiunneqarnissaat. Maleruaqqusat piumasaqaatillu erseqqinnerusumik paasisaqarfiginiaraanni takuuk www.sullissivik.gl.

Apeqquut 3. Nunatsinni filmiortarnermit attuumassuteqartunut Namminersorlutik Oqartussat suliniutinut tapiissutaat ukioq manna qanoq inissisimappat?

Akissut: Filmioriinnermi suliniutinut qinnuteqaatinik katillugit 14-init arfineq pingasut akuerineqarput. 2012-imi tunniunneqartut 1.552.000 kr.-iupput.

Apeqquut 3a. Filmioriarnarlutik qinnuteqartut qassiuppat, suminngaanneerpallu?

Akissut: Filmioriinnermi suliniutinut atatillugu 14-inik qinnuteqartoqarpoq. Qinnuteqartut sisamat Danmarkimi najugaqartuupput aammalu sinneri qulit nunatsinni najugaqartuullutik.

Apeqquut 3b. Qassit itigartinneqarsimappat, itigartitsisoqarsimappallu suut tunngavimusimappat?

Akissut: Filmioriinnermi suliniutinut arfinillit itigartinneqarput. Itigartitsinermit pissutaapput paasissutissat amigaatillit tamakkiisuunngitsulluunniit imaluunniit suliniummi qinnuteqarnissamut piumasaqaatinik naammassinninnginneq.

Apeqquut 4. Naalakkersuisut isumaqarpat siunissami kulturikkut suliniutinut Namminersorlutik Oqartussat tapiissutigisartagaat amerlanerusariaqartut?

Akissut: Kulturimut tunngasunut atatillugu tapiissuteqartarnermi aaqqissuussinerit annertussusiisa allanngortinneqarnissaat Naalakkersuisunit maannangaaq pilersaarutigineqanngilaq.

Apeqqu 5. Eqqumiitsuliornikkut Pinngorartitsisut Ingerlatsisullu kulturikkut siuliteqartunut tapiissutaasartut agguanneqartarnerat qaqugu akisussaaffigilissavaat?

Akissut: Kulturimut aningaasaliissutit aqunneqarnerata EPI-mut tunniunneqarsinnaanerata maanna isumaliutigineqarlunilu misissorneqarpoq. Inaarutaasumik qaqugu aalajangiisoqassanersoq maannangaaq ullulerneqarsinnaanngilaq

Inussiarnersumik inuulluaqqusillunga

Mimi Karlsen